



HKBP Yogyakarta
ACARA IBADAH
Pukul 09:00 & 11:00 Bahasa Batak
MINGGU REMINISCERE, 13 Maret 2022

00 TANGIANG NA HOHOM NKB 14:1

01 BE 14:1-2+4

PUJI HAMU JAHOWA TUTU

1

Puji hamu Jahowa tutu,
pardengganbasa, parasiroha salelengna i;
pardengganbasa i, parasiroha i.

2

Ingot tongtong ale tondingkon,
sude na denggan na dipasonggop Debata tu ho.
Denggan basaNa do na pangoluhon ho.
...Jongjong di ayat 4...

4

Songkal tongtong, Jahowa tongon,
na marmulia, di sasude na tinompaNa i.
Hamuliaon ma, di Tuhan Debata.

02 Votum-Introitus-Martangiang:

03 BE 216:1-2

GARGAR DOLOK TAPOR BATU

1

Gargar dolok tapor batu, ndang na gargar asi ni
Roha sian Debatangku, sai na hot padanNa i
Asi ni rohangKu do, ndang na munsat sian ho

2

Na nidok ni Debatangku, patut huundukkon i
Sai mangolu do tondingku, molo huihuthon i
Asi ni rohangKu do, ndang na munsat sian ho

04 PATIK: I – IV

05 BE 161:1-2

TANGIHON ANGGUKANGGUKHON

1

Tangihon anggukanggukhon, asi rohaM Jahowa
Mansai tarponjot rohangkon, dibaen godang ni dosa
Tung sura dibaloshon Ho, luhut na sala dompak Ho
Tung ise tartahansa.
...Jongjong di ayat 2...

2

Ai holan asiMi, patupa paruntungan
Indada pambaenannami i, tung pe marhasurungan
Sipuji diri talu do; Ingkon mabiar mida Ho.
Sude marhuhuasi.

06 MANOPOTI DOSA:

07 BE 437:1-2

TUNG NA MUBA ROHANGKU

1

Tung na muba rohangku dibaen Tuhanki, dung Jesus maringan di au.
Nunga sonang au on, tung dame rohangki, dung Jesus maringan di au.
Dung Jesus maringan di au, dung Jesus maringan di au,
tung na sonang do au, dung tu Jesus au lao, dung Jesus maringan di au.

2

Au na lilu hian dapot sambulonhi, dung Jesus maringan di au.
Nunga sae dosangki dibaen mudarNa i, dung Jesus maringan di au.
Dung Jesus maringan di au, dung Jesus maringan di au,
tung na sonang do au, dung tu Jesus au lao, dung Jesus maringan di au.

08 EPISTEL: Pilippi 3:17-21

3:17 Rap sitiru ahu ma hamu, ale angka dongan; jala pamanat hamu ma angka
na marparange songon hami, sitiruonmuna!

3:18 Ai songon naung jotjot hudok tu hamu, jala anggo nuaeng mardongan ilu
do hudok: Torop do marpangalaho, gabe musu ni silang ni Kristus.

3:19 Hamagoan do ujunngasida, butuhanasida do dipardebata, sihailahonna
dihasangaphon, angka na di tano on diparrohahon.

3:20 Ai di banua ginjang do sambulonta; sian i do tapaimaima Sipangolu hita,
Tuhan Jesus Kristus i.

3:21 Paubaonna do dagingta na lea on, gabe doshon dagingna na sangap i,
hombor tu hagogoonna i, ai tarpatunduksa do saluhutna tu Ibana.

09 BE 230:1+4

NA MALUNGUN DO ROHANGKU

1

Na malungun do rohangku, mida Jesus Tuhanhi
Ai disesa do dosangku, diurasi rohanghi
Dibagasan parsahitan, marsigantung au tu Ho
Olo do au mangihuthon, panogunMi tu Ho.
...Jongjong di ayat 4...

4

Molo pos roham di Jesus, tinggal di tanganNa i
Sonang ma roham sai tulus do huhut sinangkapMi
Jadi sai togihononNa, ho muse tu surgo i
Gabe nasa ugasanNa, dohot ho manean i.

10 MANGHATINDANGHON HAPORSEAON

11 KOOR/VG :

12 TINGTING:

13 BE 691:1-2

HUPASAHAT MA TU JESUS

1

Hupasahat ma tu Jesus saluhutna ngolungki.
Roha nang pambahenanku, saluhutna tingkingki.
Hupasahat ma tu Jesus saluhutna diringki,
hupasahat ma tu Jesus, saluhutna ngolungki.

2

Pangkeonku ma tanganhu mangula lomoNa i.
Langka nang simanjojaku mangihuthon Tuhanki.
Hupasahat ma d.u.

14 JAMITA: 1 Musa 15:1-6

15:1 Dung salpu angka jamita ondeng ro ma hata ni Jahowa tu si Abram marhitehite alatan, ninna ma: Unang ho mabiar ale Abram. Ahu do lombulombum, upam mansai balga.

15:2 Alai ninna si Abram ma: Oe ale Tuhan Jahowa, aha ma lehononmu di ahu? Sai na punu do ahu, si Elieser na sian Damaskus na ma sitean bagashu.

15:3 Angkup ni ninna si Abram: Ndi, ndang adong pinomparhu dilehon ho, jala ida, anak na tubu di bagasan jabungku na ma sitean ahu.

15:4 Dung i ro ma hata ni Jahowa mandok tu ibana: Ndang ibana tumean ho, na ruar sian butuham, ibana tumean ho.

15:5 Dung i ditogihon Tuhan i ibana ruar tu balian, jala ninna: Ua tailihon ma dompak langit i jala bilangi angka bintang, molo habilangan ho angka i. Dung i didok muse tu ibana: Songon i ma pinomparmu sogot.

15:6 Jadi porsea ma si Abram di Jahowa, gabe hatigoranna do i dietong Jahowa.

15 Ayat Pelean: *Amsal/Poda/Proverbs 3:9 TEV*

Pasangap ma Jahowa marhite sian hamoraonmu dohot marhite sian patumonaan ni sandok pangomoanmu.

16 BE 769:1--- (Persembahan IA, IB, dan II)

TU DEBATA DO PANGHIRIMON

1

Tu Debata do panghirimonki,
di tano laut nang awangawang i.
Ibana do haposanki,
tongtong do diramoti langkangki.
Torop pe mara manahopi au,
Debatangki do sumarihon au.
Pos rohangki, sonang do au,
Ibana do na mandongani au.

2

Amporik i nang bungabunga i,
ro di sude na tinompaNa i.
Na metmet nang na balga i,
Ibana do na marmuduhon i.
Torop pe mara... d.u.

17 PANUTUP: Tangiang dohot Pasupasu